

IN NOMINE DOMINI Amen.

# ACTUS

THEOLOGICO-SCHOLASTICUS

De

Sanctissimo Missæ Sacrificio.

De Cæremoniis & Ritibus Sacris ac de Rubricis

*Exercitii causâ*

In Seminario Academico-Diæcesano Cracoviensi

## EXPEDITUS

*Respondente ad Objectiones Excellen:*


M. ANTONIO CAMELIN Philosophiæ Do-  
ctore & Professore

*Assistente*

M. STANISLAO PATELSKI Seminarii Vice-  
Præfecto.

Annô Salutis 1763.

Diebûs Mensis Octobris



C R A C O V I Æ

Typis Semin. Acad. Episc: Diæcesani.



Epitheta aliquot & honorificæ Nomenclaturæ,  
quibûs Sancti Patres Ecclesiæ, Sacrosanctum  
Missæ Sacrificium commendârunt, apud  
Alphonsum de Torres.

- S. Dionys:* **M**ysterium Mysteriorum, caeleste Mysterium.  
Sacrosancta & Augustissima Mystéria.  
Sanctæ Mysteriorum Consecrationes.  
Oblatio Sanctissimi Sacrificii.
- S. Joan:* Horrorem afferent a Mensæ Christi Sacrificia.
- Chrysost:* Mortis Christi celebratio, horrendum Sacrificium.  
Mysterium omnium maximè horrendum, verendum q̃;  
Ineffabilia Sacramenta, Mystéria Sacra.
- S. Cyrill:* Oblatio Divini Mysterii & Salutaris Sacrificii.
- Alexandr:* Sancti ac vivifici & incruenti Operatio Sacrificii.
- S. Leo.* Sanctum Sacrificium, Immaculata Hostia.
- S. Ioã. Dã:* Tremendum & impellutum, vitaleq̃; Sacramentum.
- Cœc: Trid.* Verum & singulare Sacrificium.
- Catech.* Tremendum Mysterium.
- Romanus* Sacramentum pacis & charitatis.
- Malach. C. i.* Oblatio Munda.
- Euseb.* Deo plenum & Sacrosanctum Sacrificium.
- Theodoret.* Sacrificium Agni Dominici.  
Oblatio Divini Doni.

---

Sacrificium Soli DEO debetur.

Qui immolat Diis, occidetur præterquam Domino  
Soli. Exodi. C. 22.

In omni loco sacrificatur & offertur Nomini meo o-  
blatio munda. Malachiæ cap, imo.

39082 T



# CONCLUSIONES THEOLOGICO - SCHOLASTICÆ

## De Sanctissimo Missæ Sacrificio

### I.

**S**acrificium à Sacro faciendo dictum, accipi bifariam, *improprie* pro quolibet opere bono & meritorio, quo sensu loquitur Regius Vates Psal: 50. *Sacrificium Deo Spiritus contribulatus* Eccles: 36. *Qui facit misericordiam, offert sacrificium* S. Aug: lib: 12: de Civ: Dei C. 16. *Verum Sacrificium est omne opus bonum quod agitur.* Et *proprie* ac *strictè* pro certo Religionis Actu, quò supremum cultum soli Deo debitum exhibemus. Unde in omni Religione, sive *Vera*, quæ agnoscit & colit unum Verum Deum, sive *Falsa*, quæ idola seu fictos Deos adorat, Sacrificia inveniuntur. Et ea de causa omnes quantumvis barbaræ gentes semper habuerunt Sacerdotes & altaria, in quibus sacrificarent. Etenim cùm proprium sit Religionis cultu suo supremam Dei excellentiam super omnia protestari, non potest melius aliò modò illam excellentiam ac Dominium significare, quàm Sacrificiò. Hinc Sacrificium *proprie* sumptum. *Est oblatio externa rei sensibilis & permanentis, per aliquam ejus destructionem, ritu mystico facta soli Deo, à ministro legitimo,*



in recognitionem supremi ipsius in nos, & res omnes domini  
& nostræ ad ipsum subjectionis. Dividitur verò Sacrifi-  
cium, Ratione *Materiae*, in *Victimam*, quæ fiebat ex  
quadrupedibus & Volatilibus, in *Immolationem*, quæ  
offerebantur Deo res inanimatæ solidæ, ut fruges  
terræ, panes, thura &c. In *Libamen*, quò offereban-  
tur Deo res inanimæ fluidæ, ut vinum, oleum, san-  
guis &c. Ratione *Formæ* in *Holocaustum*, in quò res  
oblata tota in honorem Dei igne consumebatur. In  
*hostiam pacificā*, per quā res oblata partim cremabatur,  
partim Sacerdotibus reservabatur, partim offerenti-  
bus ipsis dabatur. In *Hostiam pro peccato*, in qua res  
oblata partim comburebatur, & partim ipsis Sacer-  
dotibus tantum reservabatur, qui eā vescebantur,  
juxta illud: *Peccata populi mei commedent* Osee cap:  
4. v. 8. Ratione *finis* in *Latreuticum*, quod fiebat in  
cultum & honorem Dei uti rerum, omnium supremi  
Domini. In *Eucharisticum*, quod exhibebatur in gra-  
tiarum actionem pro beneficiis à Deo acceptis. In  
*Impetratorium* pro beneficiis accipiendis. Et in *Pro-  
pitiatatorium* seu *satisfactorium*, quod offerebatur pro  
peccatis commissis & per quod offensus Deus plac-  
batur. Isti omnes fines, & modi sacrificiorum in uno  
tremendo & incruento Missæ sacrificio coadunantur,  
quod jure meritò est, Latreuticum, Eucharisticum,  
Impetratorium, Propitiatatorium, Holocaustum, Ho-  
stia Pacifica & pro peccato, Victima, Immolatio, Li-  
bamen,



bamen, juxta illud quod S. Leo scripsit Ser: 8. de  
Passione. *Carnalium Sacrificiorum varietate cessante, omnes differentias Hostiarū, una Corporis & Sanguinis implet oblatio.* Et Conc. Trid Sess. 22. Can. III. ait: *si quis dixerit, Missæ Sacrificium tantum esse laudis, & gratiarum actionis, aut nudam commemorationem sacrificii in Cruce peracti, non autem propitiatorium; vel soli prodesse sumenti, neq; pro vivis & defunctis, pro peccatis, pœnis, satisfactionibus, & aliis necessitatibus, offerri debere, anathema sit.* Porro dimittit peccata ex opere operato, mediâtè quò ad culpam, & immediâtè quò ad pœnam.

II.

**M**artyrium, esto sit *Oblatio sui ipsius Deo facta, strictè & propriè Sacrificium dici nequit.*

III.

**M**issa, quæ vel à voce Hebræa Missach, idest oblatio voluntaria vel à Latina Missa seu transmissa eò quòd populus fidelis preces & oblationes suas per Sacerdotem ad Deum transmittat. Vel quia Catechumeni Sacramentis altaris interesse non valentes, foras mittuntur. Vel quia per Consecrationem Christus mittitur ad nos à Patre, dicta. Est *Sacrificium verum, proprium & propitiatorium Novæ Legis, in quo incruentè immolatur Christus.* Estq; unicum, nec differt specie ab illo, quod Sacerdos in æternum secundum ordinem Melchisedech Christus Dominus semel in ara Crucis Deo Patri obtulit, pro salute Generis humani.

IV.



## IV.

**S**acrificium Missæ institutum esse à Christo Domino in novissima Cæna canit Ecclesia. *Sic sacrificium istud instituit, cuius officium comitti voluit, solis Presbyteris, ut sumant & dent cæteris, & Sancti Evangelistæ luculenter id testantur Matth: 26. Marc: 14. Lucas 22.*

## V.

**A**zymô usus est Christus, non Fermentatô, instituens Eucharistiam Die seu Luna Decima quarta ad vesperam.

## VI.

**A**qua Vino mixta, transire in Vinum debet, ut in Sanguinem transeat.

## VII.

**H**ujus Essentia Sacrificii non videtur esse posita in oblatione quæ fit ante vel post Consecrationem, nec in fractione, aut sumptione, sed solum in Consecratione panis & vini in Corpus & sanguinem Christi, cum habitudine tamen ad oblationem & sumptionem, tanquam terminum extrinsecum pertinentem ad integritatem prædicti Sacrificii.

## VIII.

**C**onsecratio utriusq; speciei jure Divino ad essentiam sacrificii pertinet.

## IX.

**C**um Sacrificium Missæ, idem sit cum Sacrificio Crucis, & sola differt offerendi ratione, sequitur



tur valorem ejus quò ad substantiam consideratum,  
ex parte scilicet rei oblatae, & principalis offerentis  
Christi, infinitum esse, at si sumatur quantum ad effe-  
ctus & modum quò nobis applicatur, finitum & limi-  
tatum, ac perinde unicò Missæ Sacrificiò, non posse  
pluribus satisfieri stipendiis.

#### DE CÆREMONIIS ET RITIBUS SACRIS.

Quia nihil communius est inter Hæreticos,  
quàm Sanctam Apostolicam Romano-Catholi-  
cam Ecclesiam, à qua per apostasiā recesserunt,  
calumniari, ejusq; Cæremonias ac pios Ritus sub-  
fannare, operæ pretium judicavi, partim ad eorū  
ora obturanda, partim ad instruendam rudio-  
rem plebem præsentēs Theses exponere de sa-  
cris Cæremoniis & Ritibus.

Ama Dominum DEUM tuum &  
observa Præcepta ejus & Cæremonias Deut; 11.  
v. 1.

Quæ est enim alia gens sic inclyta, ut habeat  
Cæremonias Deut: 4. v. 8.

Ut ambules in viis ejus, ut custodias Cære-  
monias ejus, & præcepta ejus. 3. Reg. 2

Ignis in Altari meo semper ardebit. Lev. 6.  
Cumq;



Cumq; levaret Moyſes manus vincebat Iſrà-  
èl, ſin autem paululum remiſſet ſuperabat Ama-  
lech Exod: 17.

Ut omnia honeſtè & ſecundùm ordinem  
fiant 1. Cor. 14.

I.

**C**æremoniæ quibûs utitur Eccleſia Catholica non  
ſunt vanæ & ſuperſtitioſæ ( ut volunt Hæretici )  
ſed ſummoperè neceſſariæ, utiles, magnamq; habentes  
vim excitandi populum ad devotionem.

II.

**S**unt autem olim à Sanctiſſimis Patribus inſti-  
tutæ, imò plurimæ ab ipsis Apoſtolis emanârunt,  
teſte S. Dionyſio de Eccl. Hierar. cap. 1. ad infor-  
mandum populum præſertim indoctum & rudem,  
quæ Chriſtus egit, & quæ ad ejus ſalutem & pietatem  
ſpectant.

III.

**S**oli Eccleſiæ Catholicæ competit ſtatuerè Ritus  
& Cæremonias, quas omittere vel immutare ne-  
fas eſt.

IV.

**R**ectiſſimè Eccleſia Catholica certas quasdam res,  
ut ſal, Thus, Aquam, Vinum, Oleum, Cereos,  
Cineres, Palmas, Campanas benedicit, ad exemplum  
Chriſti, qui Lucæ 9. piſcibus & panibus benedixit  
& tur-



& turbæ distribuit. Et quòd tales res per benedictionem fiunt meliores, apertis verbis docet Doctor Gentium 1. Tim. 4. *Omnis Creatura sanctificatur per verbum Dei & orationem.*

V.

**R**itus, quòd ritè & exactè fiant, recensentur omnes circumstantiæ requisitæ ad Missæ celebrationem, Divini Officii recitationem, sive sint verba, sive actiones, seu vestes, seu vasa. Porro hi Ritus, alii dicuntur *Essentiales*, quisunt de necessitate Sacrificii & Sacramenti, de quibus Trid. sess. 7. Can. 13. sic inquit *si quis dixerit acceptos & approbatos Ecclesiæ Catholicæ Ritus, in Solemni Sacramentorum administratione adhiberi consuetos, aut contemni, aut sine peccato à Ministris pro libitu omitti, aut novos alios, per quemcunq; Ecclesiarum Pastorem mutari posse anathema sit.* Alii Ritus *Accidentales* qui pertinent ad ornatum tantum, possuntq; esse de necessitate Præcepti, non verò de necessitate Sacrificii vel Sacramenti. Consistunt autè in actionibus, precibus, aliisq; circumstantiis ab Ecclesia adjunctis, quæ dicuntur *Sacramentalia & Cæremoniæ.*

EX RUBRICA.

I.

**R**ubrica ( à rubro colore, quò plerumq; scribi solet, sic dicta: ) Est regula communis continens

B

& indi-



& indicans ritus certos colendi Deum & Sanctos, per  
Officium Sacrificium, & his similia.

II.

**R**ubrica rectè dividitur in *Generalem* & *Particularem* seu *Propriam*. In *Præceptivam*, hoc est obligantem in conscientia & sub peccato ad servandos Ritus ab ea præscriptos. Et *Directivam*, hoc est proponentem per modum Consilii, quid agendum. Item in Rubricam *Missalis* & *Breviarii*.

III.

**R**ubrica distingvitur à virtute Religionis, habetq;  
varias significationes secundum hos versiculos:

Litera gesta docet, quid credas Allegoria,

Moralis quid agas, quò tendas Anagogia.

Unde Rubrica de osculo altaris in sensu literali significat actum osculandi Altare, in quo fit Sacrificium. In sensu Mystico Tropologico, significat consensum animorum inter Fideles. In Allegorico desponsationem Christi cum Ecclesia, in Anagogico delectationē & gaudiū futuræ gloriæ. IV.

**R**ubricas esse Juris Humani Ecclesiastici, quarum causa efficiens est Summus Pontifex, à quo tanquam ab habente potestatem in totam Ecclesiam debuit talis lex universalis ferri. Primus autem earum author traditur fuisse S. Petrus. Pius verò V. vel maximè eas solidavit, editò Missali Romanò, quò  
nunc



nunc utimur, postea roboratô per Clementem VIII.  
& Urbanum VIII.

V.

**R**ubricæ Præceptivæ sub gravi obligant ( nisi par-  
vitas materiæ aut inadvertentia excuset: ) non  
item Directivæ, secluso contemptu ac animô novum  
inducendi Ritum. Quælibet verò additio volunta-  
ria circa formam Sacrificii Missæ, sive destruat, sive  
servet sensum verborum Consecrationis, à gravi  
culpa nunquam immunis censetur, cum in re tam  
grandi & Sacrosancta, qualis est Consecratio, non  
datur materiæ parvitas, ideò Sacerdos omnes Sacras  
Cæremonias in Rubricis præscriptas, piè ac diligen-  
ter observare debet, ne positus inter homines, De-  
umq; mediator, ad ejus iracundiam sedandam, negli-  
genter suo munere fungens, ipsum potiùs magis ad  
iracundiam provocet.

VI.

**R**ubrica est, quòd Missa quæ est unicum Novæ Le-  
gis Sacrificium, sit à jejunis celebranda. Non vul-  
gari idiomate, in pane triticeo azymo, vino de vite,  
admixtâ aquâ,, in loco sacro, & à profanis alieno, ad-  
hibitis cereis accensis, tribus thobaleis, saltim co-  
ram duobus adstantibus, tempore debito, cum para-  
mentis competentibus tempori & Solemnitati.



# VII.

**F**inis Rubricarum Missalis & Breviarii, est Dei Cultus & utilitas spiritualis Fidelium, ex *Trad. 6ss. 7. Can. 13. & sess. 22. c. 5. & Bullis Pontificum* Missali præfixis.

Quoniam res nobis erat de Rubricis etiam exponere aliquas Theses, ideo placuit ex eis Tabellas Directivas pro SS. Missæ Sacrificio celebrando huc apponere.

Oppugnabunt de SS. Missæ Sacrificio expositas Theses AA. RR. PP. Ordinis S. Francisci Arctioris Observantiæ Reformati, S. Theologiæ actuales Lectores, Conventûs Cracoviensis.

Oppugnabunt Theses de sacris Cæremoniis, Ritibus & Rubricis AA. RR. PP. Ordinis S. Pauli Primi Eremitæ, ex *Rupella* (ubi S. Stanislaus Pontifex per Martyriû Victima grata Deo factus ante Annos 663.) Actuales Sacræ Theologiæ Professores.

Oppugnabunt 3tiô. Locô V. Ioannes Olechowski AA. LL. & Phiæ Baccalaureus, & Excell: M. Stephanus Pinoci Diaconus, Phiæ: Doctor, Seminarii Alumni.



TABEL-



# TABELLÆ DIRECTIVÆ

Pro SS. Missæ Sacrificio celebrando.

In Dominicis per Annum

Tempus	Color.	Missæ.	Gloria	Credo	Præfatio	Benedic.	Orationes.
Adventus	Viol:	Propria	Omittitur	Dicitur	Trinitat:	Benedicamus:	2. Deus qui de B. 3. Eccl: v. pro Pp.
Ab 8va Epiphan:	Virid:	Propria	Dicitur	Dicitur	Trinitatis.	Itemissa:	2. Deus qui sal: 3. Eccl: v. pro Pp.
A Septuages:	Viol:	Propria	Omittitur	Dicitur	Trinitatis.	Benedicamus.	2. A cunctis. 3. Ad libitum.
A Die Cinerum	Viol:	Propria	Omittitur	Dicitur	Quadragesimalis.	Benedicamus.	2. A cunctis 3. pro Vivis & D.
A Dom. Passionis.	Viol:	Propria	Omittitur	Dicitur	De Cruce	Benedicamus.	2. Eccl. vel pro Papa.
Ab 8va Paschatis.	Albus	Propria	Dicitur	Dicitur	Paschalis	Itemissa.	2. Concede 3. Ec. v. pro Pp.
Ab 8va Pentecost	Viridis:	Propria	Dicitur	Dicitur	Trinitatis.	Itemissa.	2. A cunctis. 3. Ad libitum.

## I N F E R I I S.

Tempus.	Color.	Missæ.	Gloria	Credo	Præfatio	Benedic.	Orationes
Adventus	Viol:	Dominicalis.	Omittitur.	Omittitur	Commun	Benedicā:	Dominicales,
Ab 8va Epiphan:	Virid:	Dominicalis.	Omittitur.	Omittitur	Commun	Benedicā.	Dominicales.
A Septuagesima.	Violac:	Dominicalis.	Omittitur.	Omittitur	Commun	Benedicā.	Dominicales.
A Die Cinerum.	Viol:	Propria.	Omittitur.	Omittitur	Quadragesimalis.	Benedicā:	1. Propria. 2. a Cunctis, 3. pro vivis & D.
A Domi: Passionis:	Violac:	Propria	Omittitur	Omittitur	De Cruce.	Benedicā:	1. Propria 2. Ec. v. pro Pp.

ab 8va



Ab 8 <sup>va</sup> Paschat:	Albus	Domini- calis	Dicitur	Omitti- tur	Paschalis	Ite.	Dominicales
Ab O <sup>cta</sup> : Penteco:	Viridis	Domini- calis	Omitti- tur	Omitti- tur	Communis	Benedica:	Dominicales

### *In Duplicibus*

Tempus	Color:	Missa	Gloria	Credo	Præfatio	Benedic.	Or ationes.
Adven- tus	Ru- Al-	Pro	Sem	Ut	Pro	Ite.	2. Feriæ.
Ab O <sup>cta</sup> : Epiphân:	ber bus	pria	pe	nota	pria	Ite	Unica.
A septu- agesim.	pro	vel	r.	tur	vel	Ite.	Unica.
A Die Cinrum.	non Mar	Com	di	in	Com	Ite Ev: ult:Feriæ	2. Feriæ
A Domi: Passionis.	ty Mar	mu	ci	Ru	ma	Ite Ev: ult:Feriæ	2. Feriæ
Ab O <sup>cta</sup> : Pasch:	ty ri	nis.	tu	bri	ni	Ite.	Unica.
Ab O <sup>cta</sup> : Pentec:	bus		r.	cis	s.	Ite.	Unica.

### *In Semiduplicibus.*

Tempus	Color.	Missa	Gloria	Credo	Præfatio	Benedic.	Orationes.
Advent:	Ru Al-	Pro	Sem	Ut	Pro	Ite	2. Feriæ 3. Deus qui.
Ab O <sup>cta</sup> : Epiph:	ber bus	pria	pe	nota	pria	Ite	2. & 3. Domin.
A Septu- agesim:	pro	vel	r.	tur	vel	Ite	2. & 3. Domin.
A Die Cinrum	non Mar	Com	di	C. 2.	Com	Ite Evan. ultim Fer	2. Feriæ 3. A cunctis
A Domi: Passionis	ty Mar	mu	ci	Ru	mu	Ite Evan. ultim Fer	2. Feriæ 3. Ec. v. pro Pp

Ab O<sup>cta</sup>:



Ab Oct: Paschæ	ti ri	ni	tu	bica rum	ni	Ite	2. & 3. Domin:
Ab Oct: Pentecost	bus	s.	r.	rum	s.	Ite	2. & 3. Domin:

*In Simplicibus.*

Tempus	Color	Missa	Gloria	Credo	Præfatio	Benedic:	Orationes
Adven- tus	Ce	di	t.	Fe	ri	æ.	2. de Sancto 3. Deus qui.
ab Octav Epiphani:	Albus v. Ruber	Propria v. Com:	Dicitur.	Omitti- tur	Communi- nis.	Ite	2. & 3. Domi- cales.
à Septu- ages.	Albus v. Ruber.	Propria v. Com:	Dicitur	Omitti- tur.	Communi- nis	Ite	2. & 3. Domi- cales.
à Die Ci- nerum	Ce	di	t.	Fe	ri	æ.	2. de Sancto 3. A cunctis,
à Domin: Passionis	Ce	di	t. t.	Fe	ri	æ.	2. de Sancto tantum
ab Octav Paschat:	Albus v. Ruber	Propria v. Com:	Dicitur	Omitti- tur	Paschal:	Ite	2. & 3. Domini- cales.
ab Octav Penteco:	Albus v. Ruber	Propria v. Com.	Dicitur	Omitti- tur	Communi- nis	Ite	2. & 3. Domi- nicalis.

**DE VOTIVIS**

In Missa Votiva solemni dicitur Gloria Credo & una tantum Oratio, exceptâ Votivâ de SS. Trinitate pro gratiarum actione, in qua duæ Orationes sub unica cantantur conclusionem, ut docet Merati de Votivis. §. 8.

In omnibus Votivis Evangel: finale S. Ioannis dicitur semper & non aliud.

Votiva	Color	Missa	Gloria	Credo	Præfatio	Benedica- mus.	Orationes
SS Trini- tatis	Albus	Propria	Omitti- tur.	Omitti- tur	Propria	Benedica- mus.	2. & 3. Diei cur- rentis.

Spiri-



S. Spiritus.	Ruber	Propria	Omittitur.	Omittitur.	Propria	Benedicamus.	2. & 3. diei currentis.
SS. Eucharistia	Albus.	Propria	Omittitur.	Omittitur.	De Nativitate.	Benedicamus.	2. & 3. diei currentis.
De Passione.	Violaceus	Propria	Omittitur.	Omittitur.	De Cruce	Benedicimus.	2. & 3. diei currentis.
De S. Cruce	Ruber	Propria	Omittitur.	Omittitur.	De Cruce	Benedicimus.	2. & 5. diei currentis.
De S. Maria	Albus	Propria	Omit: extra Sabb:	Omittitur.	Propria	Ben: vel Ite in Sab	2. diei currentis 3. de Spir: S nisi sit alia Comm:
De S. Angelis.	Albus	Propria	Dicitur.	Omittitur.	Communis.	Ite.	2 & 3. diei cur:
De S. Apostolis.	Ruber	Propria	Omittitur.	Omittitur.	De Apostolis.	Benedicimus.	2. & 3. diei currentis.
Tembelli & in aliis	Violaceus	Propria	Omittitur.	Omittitur.	Communis.	Benedicimus.	2. & 3. diei currentis.
Pro Defunctis.	Niger.	Propria	Omittitur.	Omittitur.	Communis.	Requiescant in p.	Una v. plur: pro qualite. Missæ.

*Explicatio* Quinque Colorum in Sacris Paramentis Missæ adhiberi solitorum I. **ALBUS** significat candorem, puritatem & solemnitatem, juxta illud S. Greg: Homil: 21. in Marc: *Candor vestis splendorem nostræ denuntiat Solemnitatis.* Adhibetur in Festis SSS. Trinitatis, Salvatoris Nativit: Epiph: Pasch: Corpôr: Dedicationis, in Festis B.V.M. & Sanctorum Confessorum, ac Virginum non Martyrum II. **RUBER** significat charitatem ferventem in Deum & proximum, adhibetur in Festis Pentecostes, S. Crucis & SS. Martyrum. III. **VIRIDIS** significat spem futuræ gloriæ & commune fert Adagium *spes in herba* adhibetur in Dominicis & Feriis eorû ab 8va Epiph: ad Septuag: & ab 8va Pentecostes ad Adventum. IV. **VIOLACEUS**, significat penitentiam dolorem de peccatis, adhibetur in Adventu Domini, in Quadragesimâ, ac in aliis Feriarum diebus. V. **NIGER**, significat mærorem, tristitiam ac mortem, adhibetur in die Parasceves & in Ministerio pro Defunctis Fidelibus.

*Missæ cum his 5. Interioris A B C D E celebranda.*

- Attentè*, hoc est attendendo ad Verba, ad sensum, ad IESUM Christum.
- Breviter*, id est non imbrose, non nimium indulgendo propriæ devotioni, cum tædio adstantium, sed secundum communiorum piorum morem: non tamen præcipitanter se gerendo aut festinè.
- Clarè*, id est pronuntiando verba distinctè, non corruptè, non langvidè, non nimis altè, aut submissè, sed ita, ut quæ alta voce dicenda sunt, non clamorose enuncientur, possint tamen audiri à circumstantibus, quæ verò submissè, audiri possint à se ipso.
- Devotè*, Interior per erectionem mentis ad Deum. Exterior per modestam, piam, sinceram & non affectatam corporis compositionem, ad ædificationem circumstantium.
- Exactè*, ut nimirum, ea omnia quæ in Rubricis sunt præscripta, seriò servantur, memento Apostolo 1. Cor: 14.

OMNIA HONESTE ET SECUNDUM ORDINEM FIANT.